



Հարգելի փաստաբաններ,

Սույնով Դուք ծանուցվում եք այն մասին, որ **2025 թվականի փետրվարի 10-ին, ժամը 09⁰⁰-ից մինչև 18⁰⁰-ն** ՀՀ փաստաբանների պալատի՝ Երևան քաղաքի Զաքյան 7-2 հասցեում գտնվող վարչական շենքի 2-րդ հարկի սրահում, հեռակա կարգով (առանց ընդհանուր ժողովի գումարման) տեղի է ունենալու Հայաստանի Հանրապետության փաստաբանների պալատի ընդհանուր ժողով՝ հետևյալ օրակարգային հարցերով.

- **ՀՀ փաստաբանների պալատի խորհրդի անդամների ընտրություն:**
 - **«ՀՀ հարկային օրենսգրքում փոփոխություններ կատարելու մասին» 12.06.2024 թվականին ընդունված թիվ ՀՕ-28-Ն օրենքի՝ փաստաբանությանը առնչվող խնդրահարույց կարգավորումները դատապարտող հայտարարության ընդունում:**
1. Օրակարգային հարցերով **քվեարկությունը (ընտրությունը)** սկսվում է **2025 թվականի փետրվարի 10-ին, ժամը 09⁰⁰-ից և ավարտվում է նույն օրը՝ ժամը 18⁰⁰-ին:**
 2. **ՀՀ փաստաբանների պալատի խորհրդի անդամների թեկնածուների առաջադրումը (ինքնաառաջադրումը) սկսվում է 2025 թվականի հունվարի 13-ից (ներառյալ) և ավարտվում է 2025 թվականի հունվարի 18-ին (ներառյալ).**
 3. **ՀՀ փաստաբանների պալատի խորհրդի անդամների թեկնածուների քարոզչությունը սկսվում է 2025 թվականի հունվարի 19-ից (ներառյալ) և ավարտվում է 2025 թվականի փետրվարի 8-ին, ժամը 18⁰⁰-ին:**
 4. **2025 թվականի փետրվարի 9-ը համարվում է լուռության օր:**
 5. **Յուրաքանչյուր փաստաբան քվեարկությանը պետք է մասնակցի անձամբ:**
 6. **Քվեարկության օրը պետք է ներկայանալ անձը հաստատող փաստաթղթով կամ փաստաբանի վկայականով**
 7. **Վարկանիշային կարգով գաղտնի քվեարկության ժամանակ ընտրողը նշում է կատարում խորհրդի անդամների իր նախընտրած թեկնածուների օգտին, որը չպետք է գերազանցի՝ 6 (վեց) թեկնածուների թվաքանակը:**
 8. **Քվեարկության գաղտնիությունը քվեարկող**

փաստաբանի համար ոչ միայն իրավունք է, այլև՝ պարտականություն:

9. ՀՀ փաստաբանների պալատի ընդհանուր ժողովի «ՀՀ հարկային օրենսգրքում փոփոխություններ կատարելու մասին» 12.06.2024 թվականին ընդունված թիվ ՀՕ-285-Ն օրենքի՝ փաստաբանությանը առնչվող խնդրահարույց կարգավորումները դատապարտող հայտարարության նախագիծը ՀՀ փաստաբանների պալատի կայքէջում հրապարակվելու է ընդհանուր ժողովի հրավիրված օրվանից ոչ ուշ քան առնվազն 14 օր առաջ: Հայտարարության վերաբերյալ փոփոխություններ կամ լրացումներ կատարելու առաջարկները կարող եք գրավոր ներկայացնել ՀՀ փաստաբանների պալատի աշխատակազմ նախագիծը Պալատի պաշտոնական կայքէջում հրապարակվելու օրվանից յոթնօրյա ժամկետում:

Ընդհանուր ժողովի հետ կապված անհրաժեշտ այլ տեղեկություններին կարող եք ծանոթանալ ՀՀ փաստաբանների պալատի www.advocates.am կայքէջից:

Վերադառնալ `$(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })`